




ЗАМАН



Газета издаётся на балкарском языке с 1924 года

Интернет-версия: zamankbr.ru

КЪАБАРТЫ-МАЛКЪАР РЕСПУБЛИКАНЫ
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА
КАБАРДИНО-БАЛКАРСКОЙ РЕСПУБЛИКИ

Тюбешу

Улоуну проблемалары, аланы мамалар амаллары сюзюлгендиле

Тюнене **Юрий Коков** КЪМР-ни Правительствосуну ююннде «Россейни темир жоллары» ОАО-ну президентини тамата кенгешчиси **Валентин Гапанович** бла тюбешгенди. Ушакъны кезиуонде Май районда къурулушу бара турган «Этана» россей-къытай промышленный комплексде транспортну ишин къурауну онглалары, Нальчикде темир жол бла жюклени

ташыууну тап халгъа келтириуну, аланы регионну ара шахарындан тышына кечюрюуну амаллары сюзюлгендиле

Юрий Коков РЖД-ны бла СКЖД-ны оноучулары машинала жюрюучю 20-чы жолну эмда оюла турган путепроводну жабаргъа себеплик этгенлери ююн ыразылыгъын билдиргенди. КЪМР-ни Башчысы бириккен проектлени жашауда барды-



рыуда эки жанлы бирге ишлеуну кючлендире барыргъа кереклисин айырып айтханды.

Тюбешуиге КЪМР-ни Транспорт эмда связь жаны бла къырал ко-

митетини председатели **Арсен Кудавев** эмда Шимал-Кавказ темир жоллары – «РЖД» ОАО-ну филиалыны баш инженер **Сергей Задорин** да къатышхандыла.

КЪМР-ни Башчысыны бла Правительствосуну пресс-службасы.

ОЮМ

Правительствону буйрукълары партиябызны программасына келишедиле

Регионлада «Единая Россия» партияны председатели, РФ-ни Правительствосуну Председатели **Дмитрий Медведев**ни правительствону 2016 жылда ишини эсеплерини юсюнден Къырал Думагъа отчетун сюзюу бла байламлы буйрукъларыны юслеринден келле кеслерини оюмларын айтадыла. Партияны регион бөлуюмону секретарыны орунбасары, Къабарты-Малкъарда регион толтуруучу комитетни башчысы **Дмитрий Парафилов**, кесини кез къарамын **KABARDIN-BALKAR.ER.RU** информация агентствогъа билдире, буйрукъла «Единая Россияны» айырыула аллы программасына келишгенлерин чертгенди.

-Сюзюулени фракциясыны



жыйылыуларында РФ-ни Правительствосуну Председателини къатышыуу бла бардырыу ахшы төреге айланганды эмда къыйматлы да болганды. Ма ол халда ай сайын айырычуланы, бизнесни, законла чыгъарыуучу эмда толтуруучу регион

власть органлары тынгысыз этдирген жумушла сюзюледиле. Алай ары дери уа алагъа министрствода, ведомствода, экспертледе да къарап чыгъадыла. Ма ол а депутатлагъа тюз оноула чыгъарыргъа, шарт мадарла этерге онг береди, -дегенди **Дмитрий Парафилов**.

Буйрукъланы шендюю заманга магъаналылыкъларыны юсюнден айта, ол алада социал-экономика айныууну депутатла 2016 жылны эсеплерине кере тохтатдырган борчла кертюлгенлерин, ол санда иш хакъны бек аз ёлчемин кертюрге, аграрчылагъа болушлукъгъа къошакъ ахча бёлорге белгиленнгенин чертгенди. Къабарты-Малкъарча эл мюлк регионлагъа уа ол бек магъаналыды, дегенди.

Владилен ПЕЧОНОВ.

Къабарты-Малкъар Республиканы Башчысында Террорчулукъ эмда экстремист ишлерин тохтатханлагъа мамыр жашаугъа кеслерин жарашдырыргъа себеплик этиу жаны бла комиссияны Къабарты-Малкъар Республиканы Башчысыны 2016 жылда 21 апрельде чыгъарылган 43-УГ номерли Указы бла къабыл кёрюлген къауумна тюзетиуле кийириуну юсюнден Къабарты-Малкъар Республиканы Башчысыны

УКАЗЫ

1. Къабарты-Малкъар Республиканы Башчысында Террорчулукъ эмда экстремист ишлерин тохтатханлагъа мамыр жашаугъа кеслерин жарашдырыргъа себеплик этиу жаны бла комиссияны къауумун къабыл кёрюуну юсюнден» 2016 жылда 21 апрельде чыгъарылган 43-УГ номерли Указы бла къабыл кёрюлген къауумна быллай тюзетиуле кийирирге:

а) **К. Б. Татуевни** къуллугун былай жазаргъа: «Къабарты-Малкъар Республиканы Экономика эмда жамауат къоркъуусулукъ жаны бла советини Секретары (Комиссияны председатели)»;

б) Комиссияны къауумундан **А. Х. Емкужеvни** кетерирге.

2. Бу Указ анга къол салынган кюнден башлап кючюне киреди.

Къабарты-Малкъар Республиканы Башчысы Ю. КОКОВ
Нальчик шахар, 2017 жыл 5 май, №71-УГ

Намысгъау

Хорламны Кюнюнде республиканы юч элинде - юч эсгертме

Къызыл Аскерни солдатларына мемориал комплексле Зольск районну Этоко, Черек районну Къашхатау эмда Лескан районну Урух элдеринде ачылгъандыла.

Урух башланган биринчи кюнлеринде окъуна Этоко элден фронтха 68 адам кетгенди. Аладан 48-си юйлерине къайтмагъандыла. Къашхатауда уа 37-чи армияны 2-чи гвардиялы дивизиясыны командирлерини бла аскерчилерини атлары мермер плитагъа жазылгъандыла. 1942 жылда октябрьде ма бу элни тийрелеринде 350-ден аслам къызыл аскерчи жоюлганды.

Урухда уа уллу Ата журт урушха къатышхан эмда Хорламны 72-жыллыгына жеталмагъан 190 адамгъа эсгертме суюендиле.

Информентстволаны материалларына кере.

Жазылыу

Газетни балаларыгъызгъа окъугъуз!

Мен устаз болуп ишлегени кырк жылгъа жууукълашханды. Таулу кызыкъланы, жашыкъланы малкъар тилге юйретеме, аны жашырынлыкълары бла шагърей этеме. Дерсни кезиуонде адет-төрени юсюнден да айтыргъа тошеди. «Заманда» аланы юсюнден дайым басмаланганлай туради.

Дагыда урунууда, илмуда, спортда болдурган ахшы жетишимлери бла халкыбызны атын иги бла айдырган, юлгоге тийишли болган жаш адамланы хапарларын суююп окъуйбуз. Ол да бек иги иши. Дерседе сабийлеге да

алай игилеге тенг болугъуз, деп юйретеме. Адам жашуу жолуну кыйгъысын этген кезиуде, тюзюн сайларгъа ол да себеп болады.

Жаш адамлагъа ёз тилибизде чыкъган жангыз газетни алыгъыз дегенлей, эслерине салганлай турабыз. Адам кеси тилинде окъумаса, селешмесе, ол аны унутуп къоярыкъды. Сен тауча билмей, башхасында жырлап айлансанг да, санга сый берилирми?

Алайды да, хурметли аталагъа, аналагъа «Заман» газетибизни алыгъыз, сабийлеригизге окъутугъуз, дейме.



Тилин сакълауда ол уллу себепликди, ийинаныгыз.

ГАЗАЛАНЫ Светлана,
тёртюнчю школну малкъар тилден бла литературадан устазы.
Нальчик шахар.

Бабугентчи кадетле - Кремльде айтхылыкъ адамланы арасында

2 бет

Компьютерлени хайырланаргъа юйренедиле

3 бет

Къачан да, къайда да экономиканы айныуун эм башха салады

4 бет

Тогузжыллыкъ жашчыкъ студентлеге тарыхдан лекцияла окъуйду

9 бет

ХУРМЕТЛЕУ

Ветеранлагъа - жырла,
назмула, саугъала

ректору Лидия Азиковагъа да байрамны къуаргъа себеплик этгенлери ючюн жүрек ыразылыгын билдиргенди.

Тюбешиуде урушну отун сынагъан Павел Куманин, тылда урунган Мария Рухляда, Вера Половинина, къазаутны, кѣчгюнчюлюкню да къыйынлыкъларын кѣрген Темуккуланы Кемат, Хурталаны Шамса да эсгериулерин айтхандыла. Сабий саддан жашчыкъла бла кызычыкъла уа аскер назмула, жырла айтып, ветеранланы къуандыргъандыла. Таукенланы Галина уа студентлери бла ала-мат концерт хазырагъандыла.

Ахырында уа ветеранлагъа, тылда ишлегенлеге, уруш ачы-

Тишируулары Нальчик шахар совети эмда Пенсиячыланы союзу бу кюнледе Уллу Ата журт урушну ветеранлары, урушда эмда андан сора жыллада ѳлгенлени юй бийчелери бла тюбешгендиле. Анга КЪМКЪУ-ну медицина колледжини студентлери эмда 5-чи номерли сабий садха жүрогенле да къатышхандыла.

Ветеранланы алгышлай, тишируулары советини таматасы Лидия Дигешева аланы жигитликлери жаш тѳлюге юлгю болгъанлай турлугъун, бир заманда да унутулмазлыгын айтып, саулык, узакъ ѳмюр тежегенди. Андан сора ол сабий-музыкалы школну директору Османланы Марьянагъа, СКГИИ-ни музыкалы колледжини преподаватели, РФ-ни сыйлы артисткасы Таукенланы Галинагъа, предпри-



ниматель Лидия Анчековагъа, предприниматель, хар заманда да ветеранлагъа болушлукъ этип тургъан Екатерина Шаховагъа, сабий садны ди-

лыгын сынагъанлагъа да саугъала юлешингендиле.

ХОПАЛАНЫ Марзият.
Суратланы автор алгъанды.

КОНКУРС

Хунерли сабийчиклени къууандыргъандыла



чытыу эмда социал къоруулау министри Тюбейланы Альберт да бар эдиле.

Ала ары келген сабийлеге, юйретиучюлерине, ата-аналарына да ыспас этгендиле. Муса Чиров, «Голос. Дети» деген шоуда финалгъа чыкъгъан Дениза Хеклаева, Мызыланы Аубекир, Лина Мафедзова, Текуланы Амур, дагъыда башхала уа алагъа деп жырлагъандыла, тепсегендиле.

Ахырында Максим Максимов конкурсда хорлагъанлагъа саугъала бергенди.

ДАЛХАТЛАНЫ Марзият.
Суратланы автор алгъанды.

«Синдика» къонакъ юйде санларында къыяулары болгъан сабийлеге сейирлик тюбешиу къуралгъанды. Бери республиканы битеу жерлеринден балачыкъла чакъырылгъандыла. Ала уа пластилинден, тылыдан, къагъытдан да Уллу Хорламгъа жораланып ишленген суратланы конкурсунда хорлагъанла болгъандыла.

Келген къонакъла ол суратладан къуралгъан кѳрмюнге да уллу эс буруп къарагъандыла. Аланы араларында уа Россейни ФСБ-сыны КЪМР-де Управлениасыны таматасыны орунбасары Максим Максимов, КЪМР-ни урунуу, иш бла жал-



Акция

Бабугентчи кадетле - Кремльде
айтхылыкъ агамланы арасында

«Кертчилегигиз ючюн сау болугъуз, туудукъла!» деген жамауат-патриот акция 2013 жылда къуралгъан эди. Ол «Елюмсюз полкнун» маданият кесегиди дерге боллукъду. Аны чеклеринде 5 майда Къырал Кремль дворецде 3-чю гала-концерт болгъан эди. Быйыл Къабарты-Малкъардан ары Бабугентде школ-интернатны директору Эристаулары Адрахман кадетле Атабийланы Мухаммат, Чеченланы Аскер эм Шаов Алим бла бирге баргъандыла.

Концерт РФ-ни Президентини жамауат проектле жанни бла управлениасыны башчысы Сергей Новиковну, белгили актѳр Василий Лановойну эм КПРФ-ни таматасы Геннадий Зюгановну сѳлешулеринден башланганды. Ала жаш тѳ-

люге Совет Союзу тарыхыны, ол заманлы адамларыны ниет байлыкъларыны юслеринден кѳп хабар айтхандыла.

Бабугентчи кадетле ол кюн Василий Лановой бла энчи тюбешип, анга малкъар халкъны миллет эр киши бѳркюн бла голпан аякъны саугъа этгендиле. Айтхылыкъ актѳр а алагъа сурат бергенди. Андан тышында да, жашла Россейни Жигитлери, генералла эм Россейни авиациясыны командующийлери бла да тюбешип, аланы сейир хабарларына тынгылагъандыла.

Чеченланы Аскерни оюмуна кѳре, быллай жыйылыула бек магъаналыдыла. Аланы кезиулеринде жаш адамла кѳп жангы, магъаналы затла эштедиле.

КЪАСЫМЛАНЫ Аминат.

Таппандырыу



Жангы кѳпюр ишлейдиле

Быттыр сакъ жауунладан сора, суу къутуруп, Акъ-Сууда адамла, улоу жүрюген кѳпорню элтген эди. Андан бери эллиле алайдан ѳталмай къыйналып тургъандыла. Бютюнда бек - школчула.

Шѳндю уа алайда жангы кѳпорню къурулушу башланганды. Аны ООО «ЮГ-строй» фирма бардырады. Аны генеральный директору Аккыланы Русланды. Тюзюнлей ишни бардыргъанла: прораб Орусбийланы Алим, мастер Глаш-

ланы Аскер. Аладан сора да, 9-10 адам урунадыла.

Бусагъатда объектни мурдорун сала турадыла. Сууну жагъасын терен къазып, бетон къуадыла. Аны юсюне салынырыкъ плиталаны да келтиргендиле. Орусбий улу айтханнга кѳре, быллай кѳпорню къурулушу эки ай чакълы барады. Бир тюрлю чырмау болмай къалса, ол жайны ортасына хайырларыгъа берилликиди.

ОСМАНЛАНЫ Хыйса.

Курспа

Бу кюнде Россейни Пенсия фондуну Нальчикде управленисында пенсиячылары араларында 6-чы битеуроссей компьютер многоборьбени регион кесегини шахар эришуулер болгандыла. Алагъа бу ведомствода къуралгъан курслагъа жюриуп юйренгенле къатышхандыла.



Компьютерлени хайырланьргъа юйренедиле

Аланы алгъышлай, Пенсиячылары союзуну Нальчикде бѐлюмюню эмда тишируулары шахар советини башчысы Лидия Дигешева фондну бѐлюмюне улайгъан адамлары компьютерде ишлерге хакъсыз юйретиуну къурагъаны ючюн жорек ыразылыгъын билдиргенди. Ол дагъыда «Ростелекомну» Къабарты-Малкъарда филиалыны онучуларына да курсланы окуу китапла, компьютерле эмда башха керекле бла да жалчытханы ючюн ыспас этгенди.

Аны къой, филиалны специалистлери пенсиячылары компьютерде къырал жумуш-

лары тамамларгъа да юйретир муратда семинар бардыргъандыла. Бюгонню эришууде хорлагъанлагъа саугъаланы да ол хазырлагъанды, - деп къошханды.

Чемпионатны шахарда бардырылгъан кесегине къатышханлары Россейни Пенсия фондуну Нальчикде управлениасыны башчысы Моллаланы Махмут бла «Ростелекомну» филиалыны пресс-службасыны таматасы Фатимат Кодзокова алгъышлагъандыла эмда конкурсанта жетишмили болурларын суйгенлерин билдиргенди.

Управленианы специалисти

Балаланы Тимур эришуулени жорукълары бла шагъырей этгенден сора ала башлангъандыла. Алагъа битеу да он-бир пенсиячы къатышханды. «Компьютерде энди юйрене башлагъан» деген къауумда хорламгъа Геннадий Котов, «Компьютерге уста» дегенде уа Людмила Бжыхова айырмалы эдиле.

Аладан сора да, конкурс заданиялары Раиса Униковская, Жаболаны Жанна да иги толтургъандыла. Ала барысы да энди чемпионатны регион кесегине къатышырыкъдыла.

ХОПАЛАНЫ Марзият.
Суратны автор алгъанды.

Эсепле

Къабарты-Малкъарда эл мюлк продукцияны ёлчечи ёсгенди

Къырал статистиканы шартларына кѐре, Шимал-Кавказ федерал округда 2017 жылны январь-март айларында эл мюлк продукция 4,3 процентге кѐп чыгарылгъанды эмда 39,2 миллиард сомгъа жетгенди. Бек уллу ёсюм Къабарты-Малкъар-

да болганды – 3,5 процент. Андан сора Ингушетия (2,8%), Ставрополь край (2,4%), Дагъыстан (2%) барадыла.

Федерал информация агентстволаны материалларына кѐре.

ШАГЪЫРЕЙЛЕНИУ

Сорууларына - толу жууапла



Къабарты-Малкъар къырал аграр университетни профессору Аида Тамахианы башчылыгъы бла «Товароведение» факультетни экинчи курсуну студентлери КъМР-де Стандартизация, метрология эмда сынауа жаны бла регион арагъа экскурсиягъа баргъандыла. Белгилисича, бу учреждение Росстандартны жер-жерли бѐлюмюню, кесинде да ёлчелуе бла байламлы жумушла тамамланадыла.

Экскурсияны кезиунде жаш тѐлю сууну, газны, токну эсеплеген приборланы, манометрлени, тюрлю-тюрлю базманлары сынау халда ишлетип кѐрген лабораториялада бол-

гъандыла, алада приборланы калибровкасы къалай этилгени бла шагъырейленгенди, аш-азыкъ продукцияны, башха сырьёну тинтиуге къатышхандыла. Аланы кезиунде продукцияны белгиленген стандартлагъа келишгенин бла къалгъанын тохташдыруугъа энчи эс бурулгъанды.

Араны ишчилери студентлени битеу сорууларына толу жууапла бергенди. Къонакъла да учрежденияны специалистлерине ыразылыкъларын билдиргенди. Кеслери да бу экскурсияны кезиунде берилген информация окууларында да иги себеплик этеригин белгилегенди.

Экология

Халны тюзетирге кюрешедиле

Заюково эл республикада эм кирли муниципалитетлени тизмесине тюзгенди. Озгъан айда уа КъМР-ни Табийгъат байлыкълар эм экология министерствосуну келечилери анда тинтиу ишле бардыргъан кезиунде, школдан узакъ болмай эркиликсиз кир-кипчик тѐгюлген жерни тапхандыла.

сыфатын бузгъандан сора да, экологиягъа да заран салады.

Быйыл апрель айгъа Заюковода Бахсан сууну жагъасын-дан элли ауур жюк ташыгъан машина бла бир багуш кетерилгенди. Депутатла, полициячыла, школчула да бу осал



Аны ючюн элли таматасы жууапха тартылгъанды.

Бюгонюкде уа элли власть органлары болумну тюзетирча, ишни къолгъа алгъандыла. Кир-кипчик бегирек жол жанларында, адам аз жюриген жерледе жыйылды. Бир-бирле уа керексиз затларын жашагъан жерлеринден узакъ бармай къотарадыла. Ол бары да, элли

къылыкъларны къуртур ючюн профилактика халда жамауат бла ангылатыу ушакъла бардырадыла.

- Бу жол кир-кипчик тѐгюлген жерлени кетергенбиз, энди аллайла жангъдан къуралмазча, уллу иш бардырыгъа тийишлиди, - дейди элли администрациясыны таматасы Заур Хацукъов.

Бизни корр.

ГЭС-ле

Кѐрюмдюле былтырдан мажалдыла

РусГидро ачыкъ акционер обществону Къабарты-Малкъарда бѐлюмюнде аны быйыл биринчи кварталда ишини эсеплерин чыгаргъандыла. Алай бла, компанияда билдиргенлерича, сагъынылгъан кезиунде гидроэлектростанциялары бары да 51 миллион киловатт-сагъат электрокюч бергенди. Озгъан жылны бу кезиуну бла тенгешдиргенде, ёсюм 8,4 процент болганды. Ол кеси да былтыр Зарагидже жангы станция хайырланьргъа берилгени бла эмда Бахсан эм Черек суула да толуракъ болгъанлары бла байламлыды, дегенди энергетикле.

Ремонт этиу, жангыртуу программаланы тамамлаугъа 17,3 миллион сом къоратылгъанды. Ол санда ахчаны асламысы – 16,8 миллион сом – оборудованианы реконструкциясына бла техника системаланы тап халгъа келтириуге берилгенди.

Жаз башында суула кѐтрюлюп келген кезиунде хазырланьуу программаны чеклеринде



да аслам иш тамамлангъанды. Аушигерде бла Мухолда станциялада биришер гидроагрегатха тынгылы ремонт этилгенди, дагъыда биринчи ГЭС-де трансформаторну жумушларына къаралгъанды. Жуукъ кезиунде Бахсан ГЭС-де да тийишли ишле тамамланьрыкъдыла.

Финансла жумушлары юсюнден айтханда, биринчи кварталда компания 19,7 миллион сом тѐлегенди налогла бла. Ол санда республиканы бюджетине 5,9 миллион сом ётдюрюлгенди. Бюджетледен тышында фондлагъа да 8,8 миллион сом тѐленгенди.

Бизни корр.

АСКЕР-ПАТРИОТ ОЮН

Алтынчы школ алгъа чыкъгъанды

Элбрус райондан жюзге жууукъ школчу, «Хорлам» деген спорт аскер-патриот оюннга къатышып, бу жаны бла юйренгенлерин кѐргюзгенди. Аны администрация район ОСТО (ДОСААФ) бла бирге къурагъандыла. Тырны-аууз шахарда «Тотур» стадионда алты школдан къауумла эришгенди.

Конкурсха къатышханлары Элбрус районну жер-жерли администрациясыны башчысыны биринчи орунбасары Афашоқаланы Раиса алгъышлагъанды. Ол сезюнде ёсюп келген патриот ниетледе юйретиуде адамлары, власть органлары эм

аскер бѐлюмлени тири къатышыулары уллу магъананы тутханларын белгилегенди. Ол а жамауатны биригиуне, аскерде къуллукъ этиуну даражасын ёсдюрюуге, къыралны къоруулау ючюн тохташдыруугъа ахшы себеплик этгенин да чертгенди.

Эришуле башланганлай, школчула хунерликлерин ачыкълагъандыла. Къауумла сауут бла хайырлана билгенлерин, эсде болмай тургъанлай химический чабыуулукълар кеслерин къоруулаялыкъларын эмда аскер юйрениулуге жууукъ болумлада медицина болушлукъ тапдыраллыкъларын кѐр-

гюзгенди. Жаш адамла илишаннга атдыргъандыла, автоматны чачып жыйгъандыла, тизгинде бара билгенлерин туура этгенди. Алып айтханда, битеу командала тийишли хазырлангандыла.

Эришуулени эсеплерине кѐре, аскер-патриот оюнда хорлам Тырныаууз шахарны 6-чы номерли орта школуну къауумна жетгенди, экинчи жерге Кенделени 1-чи номерли орта школу тийишли болганды, ючюнчю жерге Быллымны орта школу чыкъгъанды.

Алиса ТАРИМ,
Элбрус муниципал районну жер-жерли администрациясыны пресс-службасыны таматасы.



Фестиваль

Къайсынны намысына байрам къурагъандыла

Бу кюнде Элбрус районну Маданият ююнде «Ата журтум, мени жырым!» деген ат бла фестиваль бардырылганды. Ол халкъ поэтибиз Къулийланы Къайсынны 100-жыллык юбилейине атаганды.

Байрамга келгенлени алларында селеше, сагъынылгъан районну администрациясыны башчысы Залийханланы Къаншаубий Къулий улу жалаңда Къабарты-Малкъарны угъ-

ай, саулай да къыралыбызны ёхтемлигиди, дегенди. Аны чыгъармачылыгыны озгъан ёмюрню тарыхы бла байламлыгын белгилегенди.

Халкъыны айтхылык жашы адам улу ёмюрледен бери багъалагъан къыйматланы кётюргенни, назмулары кимге да жууук болгъанларын черте, аны китаплары Францияда, Англияда, Монголияда, Индияда, Германияда, СНГ-ны къыралла-

рында, бирси жерледе да басмалангъанларыны юсюнден хапарлагъанды. Поэтни сёзлерине 50-ден аслам жыр жазылгъанын чертгенди. Аладан бир нечасын а районну эстрада артистлери фестивалыны кези-ююнде эшитдиргенди.

Алиса ТАРИМ,
Элбрус районну администрациясыны пресслужбасыны башчысы.

ФОРУМ

Закийибизни поэзиясын, аны инсанниетлерин суйгенлеге дайым къошулады

Бизни республикада «Элбрусская переговорная площадка» деген регионла аралы форум къуралгъанлы быыл бешинчи жыл барады. Аны энчилиги уа андады: РФ-ни башха-башха регионларыны келечилери бери жыйылып, билим бериуню, халкъланы культураларыны, тарыхларыны юсюнден селеширге онг табадыла.

Бу кюнде сагъынылгъан форумну чеклеринде Терс-Къолда «Снежный барс» къонакъ юйде Нальчикни онсегизинчи номерли школуну келечилери да болгъандыла. Ала ары закийибиз Къулийланы Къайсынны 100-жыллык юбилейине атагъан «Кишиликни, сиймекликни, ариулукну да жырчысы» деген адабият презентациялары бла баргъандыла.

Окъучуланы хазырларга уа сагъынылгъан мектепни малкъар тилден бла адабиятдан устазлары Османланы Фатима бла Насыплыланы Марина, орус тилден окутхан Галина Варавина, шахарны ара библиотека системасыны методисти, информациялы-маркетингли бёлюмюню башчысы Къурманланы Светлана, 68-чи номерли «Дюймовочка» сабий садны юретиучюсю Гелястанланы Саният улуу къыйын салгъанларын белгилерге тийишлиди. Школчуланы, аны устазларын да билим бериу майдан бла шагъерейлендируню башламчысы уа «Къайсыннга жюз атлам» деген фонду председатели Тетууланы Хадисди.

Ол кюн аланы презентацияларына Москваны ЭУК-2 регионла аралы сетевый, Жаны гуманитар школларыны (НГШ) келечилери, Саха Якутия Республикадан келгенле бла бирге къыралыбызны ара шахарыны огъарыла сагъынылгъан мектебин (ЭУК-2) генеральный директору, «Элбрусская переговорная площадка» проектни авторларындан бири Алексей Воронцов, майор эм жазычу Сергей Еремеев эм бирсиле къаргъандыла.

Тобешуно ача, Хадис къонакълагъа эм алгъа милетибизни тарыхыны, культурасыны, адабиятыны юсюнден хапарлагъанды. Якутиядан келгенле айланьп, тюрк миллетлени ёз тиллерини тамыры бир болгъанын айтханды. Дialeктлени сейир шартларын билдире, къарачай-малкъар тил бююнлюкте тазалай сакълангъанна



саналгъанын чертгенди.

Тетуу улу кесини проекти къалай башланганыны юсюнден да билдиргенди залдагыла. Ол тарыхны, поэзияны суйгенин белгилей, «Къайсыннга жюз атлам» деген къабиргъаны миллет саулай ишлегенин чертгенди. Сиз ары баргъан кюногюзде (8 майда) аны кертиси бла да жамаут этгенин кералсагъыз, акъылман поэтибизни къаллай бирге суйгенибизни, аны къалай багъалагъаныбызны да ол заманда ангаларыкъсыз, дегенди. Къулий улу кесин халкъындан энчи кермегенин, ол аны бушуунда, къууанчында да биргесине болгъанын, аны шухлукъга, адамлыкъга не кёзден къарагъанын айтханды.

Адабиятха салгъан къыйын белгилей, аны назмулары ол жаш заманында, уруш жылдада окуна къыралыбызны ара газетлеринде басмалангъанларын, дагыда ол кезиуде Москвада аны чыгъармачылык ингири бардырылгъанын да сейир шартха санагъанды. Къайсынны «Женщина купается в реке» деген назмусун да шатык окуп, поэзияны суйгени бла бирге билгенин да ачыкълагъанды.

Адабият презентация уа 18-чи номерли школу устазлары поэтни «Мамырлыкъ эм къууанч сизге, саула!» деген тизгинлени орус тилде окъугъанларыны видеоролиги бла башланганды. Ызы бла Гелястанланы Саният бла Османланы Алихан къонакълагъа закийибизни жашау эм чыгъармачылык жолуну, адамлыкъ ышанларыны юсюнден хапарлагъандыла. Сабийле уа «Анама сын», «Ту-

угъан жериме», «Таула» эм кёп бирси назмуларын эшитдирип, «Жорт, жорт, гылыуум» деген повестинден юзюкюно сахна оюн халда кергюзтгенди.

Школчула чыгъармаланы окъугъан кезиуде уа къонакъла акъылманыбызны туугъан жерин видеоматериалланы хайыры бла керюп тургъандыла. Ызы бла Къулий улу сёзлерине жазылгъан «Той женщине, которую люблю» деген жырыны видеоматериалла сагъынылгъан амалны болушулугу бла Леонид Агутинни эм Фёдор Добронравовну биргелерине жырлагъандыла.

Тетуу улу Сергей Еремеевге сёз бере, аны бла Интернетде эртте окуна шагъерейленгеннин, алай кесин а ол кюн биринчи керё кергенин айтханды. Къонагъа, анга ырызлыгы бла бирге кеси аскер къулукъда ишлегенине да къарамай, бери Невинномыскдан келгенин билдире, саламлашп: «Мен бек сюеме таулу халкыны, бери сизге келсем солугъан этеме», деп, тауча айтханы хычуун керюнгенди. Ол къарачай-малкъар тилге юйрене турады. Бу эки халкъга да суймеклиги, хурмети улуу болгъанын да тобишюуде болмагъанча толусулай ачыкълагъанды.

«Мени хар этген ишим да, жашауум да сизни ючюндю», деп, таулулагъа атагъан назмусун окъугъаны анда олтургъанларыны барысыны да жюреклерин къозгъаганды. Закийибизни чыгъармалары да малкъар эм орус тилдеде эшитдирип, халкъыбызга тынлыкъ-есенлик тежегенди. Миллетни энчилигин сакъларга тийишлисин черте, таулуларыбызны жыйгъанын билдиргенди.

Алексей Воронцов да поэтни туугъан журтуна, сагъынылгъан къабиргъага къыралыбызны жер-жерлеринден угъай да, саулай дуниядан сабийле келирча этерге кюреширгин айттып, Улуу Хорламны байрамы бла алгышлагъанды. Презентацияны хазырлагъанлагъа, анга къатышханлагъа, селешгенлеге, школчулагъа да ырызлыгын билдире, Хадис жер башында атлары унутулурга жарамагъан адамла бардыла, аладан бири уа Къайсынды, аны поэзиясы бизни жорегибизде жашайды, дегенди.

Форумну бизни республикада ишлегени ахшы ышан болгъаны бла бирге алай адамлыбызны, акъылманыбызны барлыгын бирси жерледе жашагъан жаш телю да билгенин, эшитгенин магъанасы уллуду. Не десек да, сабий кергенин унутмайды. Ала да кеслерини ызларындан келгенлеге деменгили закийни юсюнден айтырыклары хахъды.

Алай бла уа телюлени, халкъланы байламлыклары юзюлмегени бла бирге улуу поэтни аты ёломсюзлей кваллыгы, чыгъармачылыгына табынганла аны поэзия от жагъасыны тегерегине жыйылгъанлай турлуклары да сёзсоздо. Школну жумушун билим бериу майдан бла байламлы этиуню башламчысы болгъанындан сора да, устазлагъа, аналагъа, окъучулагъа да ары барырга улуу мажаргъаны, халкъым деп улуу иш бардыргъаны ючюн Тетуу улугъа биз да ырызлыгыбызны билдиребиз.

МОКЪАЛАНЫ Зухура.

Анғылатуу

Къырал облигацияла — ахчагъызыны кёбейтиучю жолу

Россейде къырал займны облигациялары сатылып башлангандыла деп кёп керё айтылып турганды. Бу ишни энчиликлерин юсюнден толурракъ хапар билдиребиз эди.

А.Карданова, Нальчик ш.

Къырал займны облигациялары, къысха айтханда ОФЗ, 26 апрельде сатылып башлангандыла, кеслерин да быыл 25 октябрьге дери алырга боллукъду. Ала РФ-ни Финансла министерствосуну «Об утверждении Условий эмиссии и обращения облигаций федерального займа для физических лиц» деген буйругу бла быыл 15 мартдан чыгарылып тебегенди. Ала юч жылны ичинде жюрюкдюле, кеслерин да къырал 2020 жылда 25 октябрьде арта хатып аллыкды.

Бир облигацияны багъасы бир минг сомду. Хар адамга да эм азындан отузун, бек кёбюнден а 15 мингин алырга онг барды. Аланы юсю бла хар алты айны ичинде файда тошгенлей турлукду. Аны ёлчечи уа, бир жылга терегенде, 7,5-10,5 процент боллукъду. Облигацияланы хайырындан келген ахча ючюн налог телерге кереклиси жокъду.

Бу багъалы къагъытла къолдан къолга сатылмайдыла. Аланы болжалындан алгъа сатама дегеннге, сёз ючюн, бир жыл озгунчу дери къоратхан ахчасы къайтарылады. Бир жылдан сора уа ол процентле да къошулуп алай бериледи.

Облигацияланы сатыу бла кюрешгенледен бири Сбербанкды. Анда быллай къагъытла алырга суйгенле аны Нальчикде, Пушкин эмда Кешиков орамла къошулган жерде, 33а/72-чи номерли юйде офисине барсынла.

Аланы сатып алгъанда эмда болжалы жетгинчи арта сатханда комиссия ахча теленеди. Аны ёлчечи былайды: 50 минг сомга дери сатыу-алуу этилгенде - 1,5, 50-300 минг сом ючюн - бир эмда 300 минг сомдан аслам болгъанда - 0,5 процентди.

Анзор БОГАТЫРЁВ,
Сбербанкны Къабарты-Малкъарда бёлюмюню пресслужбасы.

СУРАТ БАСМАЛАННГАНДАН СОРА

«Бызынгыда урунганым себепли барысын да таныгъанма»



Кенделенден бизни газетни окъуучубуз Маммеланы Мусса кеп болмай редакцияга письмо жибергенди, ичине эски сурат да салып. Ол аны юйде тапханды, алай анга тышген адамланы танылмагъанды. «Бу бизге бошдан тышген болмаз, жуукъ, ахлу болур араларында. Ким биледи, газет окъууладан аланы таныгъанла табылырла», - деп умут этип жибергенди аны бизге.

Окъуучубузну тилегин толтура, суратны газетибизни 15 апрельде чыккыган 68-чи номеринде басмалагъанбыз. Андан сора редакцияга Огъары Малкьардан Лелюкаланы Мурадин селешди да, суратда адамланы барысыны да атларын бла тукъумларын айтып чыккыды. «Мен бир кезиуде Бызынгыда ишлегенме да, андан танийма аланы», - дегенди. Алайды да, кьалпагы, акъ-

сыл костюму бла олтургъан Холаланы Жюносюду. Ол колхозну экономисти болгъанды. Аны аллында акъ келеги бла таянып тургъан Чочайланы Ма-чуду. Аны артындагы белгили кинооператор Атталаны Анатолийди. Камерасы да алайдады. Аны жанындагы - Социалист Урунууну Жигити Аттоланы Салихди. Аны баш жанында олтургъан Чочайланы Абулла-ды. Къатындагы - журналист, жазычу Аттоланы Магомед. Ызы бла Чочайланы Якуб келеди. Сабийден сора олтургъан Чочайланы Рамазанды. Аны аллындагы киши Холамхан-ланы Исмайылды. Онг жанындагы Хочуланы Заурбекди. Аланы алларында костюмун да юсюне хаух атып ол тургъан «Советская молодёжь» газетни суратчысы болуп тургъан Эдуард Шпанагельди. Редакцияны атындан Лелюкаланы Мурадинге сау бол дейбиз, Маммеланы Мусса уа суратда болгъан адамланы ичлеринде жуугуун-ахлусун табар деп умут этебиз.



Иер ташла

Суу жагъалада айлана турсанг неда къая, жар оюлгъан жерледе болсанг, сейир ташлагъа тубейсе. Иги тюрслеп къарасанг, былай бир затха ушатмай къоймайса. Анга кере уа ат да атайса. Сёз ючюн, ма была. Биз алагъа иер ташла дегенбиз. Кертиси бла да, ушайдыла. Эки жанында ёрге чыккыган кесеклери иер къашла. Асыры сыйдамдан, къол бла ишленгенчадыла. Алай была-

ны устасы табийгъат кесиди. Жауунла, суула жууа, желле сымарлай, ала бергендиге ташлагъа былай сыфат. Кеслери уа Дорбун суу жагъасында табылгъандыла. Алай деп Акъ-Сууда Суу Араны черегине айтадыла. Анга Мистер Доз суу деп тургъандыла. Шёндю аны алгынныгъ атын жангъдан айтып тебирегендиге.

ОСМАНЛАНЫ Хыйса.

Тинтиуле

Къызыл китапха жазылгъан къундуз - бизни агъачларыбызда

Кавказда тубеучю къундуз 2008 жылдан бери биринчи кере Нальчикни къырал сынау учу молкюню агъачларында эсленгенди. Мартда бардырылгъан тинтиуле республикада башха жаныуарланы саны да ёсгенин кёрюзтгендиге.

- Аланы эсепге алынган 27 тюрлюсюнден 19-суна къошулгъанды. Аладан алтысы уа КъМР-ни Къызыл китабына киргендиге, ол санда къонгур айуу, кийик эчки, европалы норка, кавказ агъач тауукъ, Шимал Кавказда тубеучю жаз тауукъ, - дегенди КъМР-ни Экология эмда табийгъат байлыкъла министрствосуну учулулукъ, жаныуарланы бла ала кечинген жерлени жангыртуу эмда хайырлануу жаны бла департаментини башчысыны орунбасары Чеченланы Марат. КъМР-ни Къызыл китабын Къабарты-Малкьар къырал университетни биологлары бла экологлары хозырлагъандыла. Анга айырма битимлене - 87, жаныуарланы уа 120-дан артыкъ тюрлюсю киредиге.

Информагентстволаны материалларына кере.

Бюгюн биз айтырыкъ хапар халкъыбызны сютден этилген ашларыны юсюнденди. Баш магъананы уа гыпы айранны ким этгенине, шёндю аны сау дуннида не ат бла билгенлерин туура этиуге берликбиз. Белгилисича, къарачайлыланы бла малкьарлыланы ата-бабалары асла ланла, къысха айтханда, аланла, шёндю жашагъан жерлерине биринчи болуп талай минг жыл мындан алгъа келгенлери тохташдырылгъан шартды. Болумлагъа кере алагъа, ахай да, малчылыкъ бла юрешмей амал жокъ эди. Сёз ючюн, Биринчи дуняа урушун аллында Россейни патчыны статистикасына кере, тутхан малларыны саны

(мысты), хуппеге, жут, ыстымдау, ынгырдык, къалын, жизги, суусап, акъ тузлукъ. Быланы ичинде Россейде эмда битеу дуннида бегирек да гыпы айран белгилди. Кесини да атына шёндю кефир дейдиле. Аны ата-бабаларыбыз энчи гыпы бюртюкледен этгендиге. Кесигиз билгенликден, сауулгъан сютню жылылай гыбытха къуюп, ары ол урлукъну атып, жылы жерде азыракъ тутса - гыпы айран жукарракъ болады, кёбюрек тутса уа - къалыныракъ. Ол саулукукъга бек жарайды, кеп тюрлю аурууладан сакълайды. Россейге Къарачайдан жайылгъанды. Патчах Кавказ бла уруш этген замандан башлап, гыпыны саулукукъга жарагъ-

деп дау этедиге эмда ишин сюзюп башлайдыла. Ирина уа Бекмырзагъа гыпы айранны жашырынлыкъын айтса, этген терслигин кечеригин ангылатады. Бий анга хау дейди, соргъанына жууап да, гыпыны 10 фунт (4 кг. - Авт.) урлугъун да берип, башына эркин болады. Ма алай бла бу суусапны амалы Москвагъа кетеди. 1902 жылны къоз артында уа ол ара шахарны тюкенлеринде сатылып башлайды. Аны хапары Россейге жайылады, талай замандан а аны башха шахарлада, ызы бла уа аз-аздан тыш къыраллада да чыгъарып тебирейдиле. Ма ол кезиуледен башлап, къарачай-малкьар халкъны гыпы айраны битеу дуннигъа кефир деген ат бла белгиле болады.



Миллет аш-азыкыла

Бизни айранларыбыз

бла бизни халкъыбыз Шимал Кавказда биринчи жерде болгъанды. Юлгюге быллай шарт: ол кезиуде Къарачайда адам башына 20 пуд (320 литр - Авт.) сют алына эди. Ол а къыралда бек кепге саналгъанды. Ата-бабаларыбыз сютню файдалыгъын бек эрте ангылап, андан тюрлю-тюрлю ашла этиучю эдиле. Аны бла байламлы тарыхда болгъан бир керти шарт. Эрттегили Грецияны акъылманы Геродот 2500 жыл мындан алгъа жолуучу болуп Минги тауну тийресине келген эди. Кесини дефтерлеринде ол былай жазады: «Минги тауну тийресинде тюрк миллет жашайды, аланы сютден этилген бир алапат суусаплары барды, атына да айран дейдиле». Бу шартны кертилин белгили этнограф, археолог Мызыланы Исмайыл тохташдыргъанды. Алай бла анга кере къарачай-малкьар халкъ сютден ашла этип башлагъанлы бек азындан 3000-3500 жыл болады деп таукел айтыргъа боллукъду. Айранны къарачай-малкьар миллет кеп тюрлюсюн жарашдыргъанды. Бюгюнлюкде аны неллай бири болгъанын биз да эсге салайыкъ: айран, гыпы, жууурт, мыстындау, чайкъалгъан

ан хапары аз-аз жайылып тургъанды. Нарсананы, Бештауну тийрелеринде солургъа келгенле бу айранны ол тийреде жашагъан къарачайлыладан алып тургъандыла. Ала уа ичгини этер амалын кишиге да айтмагъандыла, эрттегили таулу адетте кере, аны урлугъун тышына бермей эдиле, юйде атасы жашына, ол да кесини уланына беричю эдиле. Юйден тышына берген ырыс окъуна болгъанды. 1908 жылда Россейде белгили магнат, сют заводларын кеп жерледе тутхан Бландов гыпы айранны чыгъарып башларгъа умут этеди. Нарсана тийресинде уа аны бишлакъ заводу бар эди. Ол ары кесини технологун Ирина Сахарованы жибереди. Экисини да жашырын умутлары болгъанды бу ичгини тасхасын къарачайлыладан билдирге. Сахарова Нарсанагъа келип, бир-эки адам бла ол тийреде жашагъан Байчораланы Бекмырзагъа къонаккъа барады. Бий аланы ариу кереди, сыйлайды. Алай гыпы айранны этер амалын а сылтау этип айтмайды. Ирина артха, Нарсанагъа кетип бара, бийни адамлары аны Байчор улугъа урлап къачырадыла. Алай къыз анда калыргъа ырызлыкъ бермейди. Бекмырзаны иши уа сюдге тошеди. Бийге тышындан келген адамны урлагъанса

Бу тарыхха кирген керти хапарды. Кефир деген сёз да тюрк сёздю деп алилле бир аууздан айтадыла. Ала белгилегенге кере, гыпыгъа Къарачайда, Малкьарда да дагъыда кеф айран, кефли айран деучюлюле. Нек дегенде ол юч кюн тургъандан сора аз-маз къайнайды, анда төрт процент алкоголь да болады. Алай бла кеф айран деген ат орус тилде бир талай харфла жутолгъандан сора тап айтырча «кефир» деген сёз болгъанды. Кавказда бир-бир миллетле гыпыны кеслерине тартыргъа юрешгенлери басмада кёрюне башлайды. Алай хапарла болмаз ючюн, кеп къыраллада аты айтылгъан алим, къарачайлы жаш Текеланы Алимурат анга эмда айранларыбызны башха тюрлюлерине да патент алгъанды. Аны бла анга киши да дау этмезча, керти иесине - кесибизни халкъыбызга - кыйтаргъанды, ёмюрю узакъ болсун. Гыпы айраннга дау этгенлеге къажу сөөлген белгиле къарачайлы алим Шаманланы Магометни жашы Ибрагимге да ыспас этерге борчлубуз. Жашла экиси да къарачай-малкьар халкъны миллет хазналарыны сакъ къалауурлары болгъанларын кеслерини ишлери бла кёрюзгендиге. Алгъаракъда Япониядан тележурналисте Текеланы Алимурат бла тубешип, аны болушлугъу бла гыпы айранны къалай жарашдыргъанларыны, аны керти да къарачай-малкьар халкъны миллет ашы болгъаныны юсюнден уллу бериу этгендиге. Аны ол къыралда кыйтарып эки-юч кере окъуна кёрюзтген эдиле.

МИСИРЛАНЫ Хасан, сют промышленностьну инженер-технологу.

Көппендириу

Төлеулени заманында бергени ючюн - телевизор

Майский шахарда жашагъан Ольга Русалкинаны, ол кеси да билмей турганлай, районну администрациясыны башчысыны орунбасары Ольга Палиенко, шахарда абонент бөлүмнө таматасы Андзор Малухов, мастер Эдик Замбуров эм программист Евгения Мироненко жоклагъандыла. Юйню иеси газгъа заманында төлегени ючюн кьонакыла Samsung телевизорну саугъаларгъа келген эдиле. Ала ангылатханларына кёре, «Газпром межрегионгаз Нальчик» компания төлеулени заманында бергенлени арасында лотерея бардыргъанды.

Андзор Леонидович билдиргенича, компьютер төлеу-



лерин болжалына салмагъанладан 30 адам айыргъанды. Ызы бла аланы арасында лотерея бардырылгъанды. Саугъагъа компания онбир телевизор бергенди.


Хурметли жамауат, газ ючюн заманында төлерге унутмагъы. Ким биледи, экинчи жол телевизор сизники да болур.

Бизни корр.

СӨЗБЕР

ЭНИНЕ: 7. Аны ючюн майдалла, орденле аладыла урушда. 8. Узун, иничке саплы гюл. 11. Юйге кирген жер, сейна. 12. Аны бла отунга, айыугъа да баргъандыла таулула. 13. Кьобузну тюрлюсю. 16. Нарт жигит. 17. Кьоншу республиканы адамы. 18. Жарыктылыкъ бла берекетлик. 20. Кьазахстанда шахар. 21. Махтау сөз. 22. Азан кычырыучу жер. 23. Тюркден келиучу эгечибизни аты. Отарланы Омарны аллай аты бла жыры да барды. 25. Умут. Шауаланы Миналданны аллай аты бла романы барды. 29. Кьартла аланы кьонюларында букьдурдыла дейдиле. 31. Инсан шартладан бек бийиги. 33. Аланы жауда биширедиле. 35. Гебен. 36. Жангы бузоу тапхан ийнеки сютюнден этиледиле ол. 37. Тюз жер. 38. Сыйлы жерге (шыйык кьабыргъа) барып, тилек этиучу.

ЁРЕСИНЕ: 1. Иш юсюнде этилген жигитлик. 2. Бийни кьатыны алай болады дейдиле. 3. Тилек этиучу. 4. Кьайыкыны бир тюрлюсю. 5. Аналыкыны тейриси. 6. Отдан учхан гитче кесекчикле. 9. Кимни не этеригин белгилеген тамата. 10. Сууаплыкъ ючюн берилген зат. 14. Сабийи бла жашамагъаны ючюн ахча төлеучу. 15.



Дин ахлулары атханнга кёре, сыйынган суу. 27. Лермонтовну романына кирген таулу эр киши аты. 28. Сабийлик учуучу зат. 30. Сейирлик. 31. Италиялы комедияны жигити. 32. Хата. 34. Юй аллы.

Газетни 83-чю номеринде басмаланган сөзберни жууаллары:

Энине: 1. Мухажир. 3. Алим. 4. Магомет. 7. Залкуф. 8. Керим. 10. Ачак. 11. Кьайсын. 13. Сулейман. 15. Исхакъ. 16. Якуб. 18. Сарбий. 19. Хасан. 20. Магомет. 21. Юсюп. 22. Рамазан.

Ёресине: 1. Мустафа. 2. Ибрагим. 3. Абдулла. 4. Махти. 5. Омар. 6. Кёккёз. 9. Хажимурат. 11. Кьонакыбий. 12. Салих. 14. Шамшюдюн. 15. Ибрагим. 17. Иосиф.

Ыйыкыгъа гороскоп

13 майдан 20 майгъа деру



КЬОЧХАР. Улуу ишлени башлардан алгъа иги сагыш этигиз. Бир ахшы хапар эшитирге боллукъсуз. Жетишимлеригизде тохтап кьалмагъыз – аллыгызда сизни кенг, ачык жол саклайды. Бек иги кюн ыйыкыда орта кюн боллукъду.



ТАНА. Таматагъыз бла тубешген кезиуде хар сёзюгюзню иги сагыш этип айтыгъыз. Иш кёллюгюзню кеп жарсыуларыгъызны кетериге болушурукъду. Алай планларыгъызны кьорууларгъа керек боллукъду. Солуу кюнледе жайыгыргъа табыгъатха чыгыгъыз.



ЭГИЗЛЕ. Ариу тилли бола билгенигиз кеп жерде болушурукъду сизге. Аны себепли адамла бла да терк шүх боллукъсуз. Ахча жаны бла да кьууаныркысыз. Башламчылыкларыгъыз ахшы эсеплеге келтиргенлей турлукъдула бу кюнледе.



АЙЫРЫЧАБАКЪ. Ишигизде адамла бла даулашла чыгаргъа боллукъдула. Асыры бек ышанмагъыз төгеригиздегилеге. Башлагъан жумушларыгъызны, кеп айтып турмагъанлай, тынч-тынч ахырына жетдиригиз.



АСЛАН. Хар зат сизни кесигизге кёре боллукъду. Таматалагъа тилеклеригиз бар эсе, аланы билдирип кьоюгъуз. Ала сиз айтханнга угъай дерик туйюлдюле. Биргегизге ишлегенлени оюмларына эс бургууз.



КЬЫЗ. Хар заманда да ал сатырлада болурга итингенлей турмагъыз. Бир-бирде бир жаныракъ сюелсе да игиди. Оюмугъузну кесгинлигин тас этмезге кюрешигиз. Юйюрюгюзде чыкыгъан жарсыулагъа улуу кёллю болмагъыз.



БАЗМАН. Бираз сабырлыкъ, тынчылыкъ изледиле бу кюнледе сизден. Тирилигиз, эсигизде болмагъан эсеплеге келтирликди. Ала кьууандырмала. Жангы иш излеуогюзде сизге болушлукъ тапдырлыкъ адам чыгарыкды.



АКЬЫРАП. Жаланда кесигизни сейирлеригизге эс бурмагъанлай, жууукларыгъызны, бирге ишлегенлеригизни кез кьарамларына да акьылыгъызны салыгъыз. Эрттеден бери башларгъа умут этип тургъан жумушларыгъызны тамамлагъыз.



МАРАУЧУ. Толусунлай ишигизге берилгиз. Бу ыйыкыда адамла бла ушаклашыргъа артык сюерик туйюлсюз. Алай болганлыкыгъа, юйюрюгюзде ырахатлыкыгъа уа кьууана билликсиз.



ТЕКЕМОЙОЗ. Тирилигизни кёрюзюрке заман жетгенди. Башламчылыкыны, алчылыкны кеси кьолугъудан ычындырмагъыз. Төгеригизде адамлагъа асыры бек чамланып турмагъыз. Кече билгиз.



СУУКЬЫЙ. Кесигизни ахшы жанындан кёрпозте билликсиз, жетишимлеригиз бла да маханалыкысыз. Юйюрюгюзде бир кесек даулашла чыкьсала, аланы заманында тохтатыргъа кюрешигиз, уллугъа кеттинчи.



ЧАБАКЪЛА. Кьарыуугъузну бираз аягыз. Төгеригиздегиле адамла кеслерини жарсыуларын кеслери тап этсинле. Жетишимле боллукъдула, бирозчыкъ тёзюм керекди ансы.

Учредитель: Кьабарты-Малкьар Республиканы Парламенти бла Правительствосу

Баш редактор
АТТАЛАНЫ Ж.Ж.

РЕДКОЛЛЕГИЯ:

ТЕКУЛАНЫ Хауа
(баш редактору орунбасары),
ЖАНГУРАЗЛАНЫ Нажабат
(баш редактору орунбасары),
ТОКЪЛУЛАНЫ Борис
(жууаплы секретарь),
МОКЪЛАНЫ Зукура (бөлүмнө редактору),
ТИКАЛАНЫ Фатима (бөлүмнө редактору).

ТЕЛЕФОНЛА:

Редактору приёмный - 42-63-01. Баш редактору орунбасарлары - 42-38-21, 40-04-82. Жууаплы секретарь - 42-66-85. Секретариат - 40-93-62. Корректорла - 42-63-52.

Газет Басманы эм асламлы информацияны эркинликлерин кьоруулау жаны бла Кьабарты-Малкьар регион инспекцияда 2016 жылда 19 декабрьде регистрация этилгенди.

Регистрация номер — ПИ № ТУ07-00118. Индекс - 51532

Газетни басмагъа КьМР-ни Басма эмда асламлы коммуникацияла жаны бла кьырал комитетини компьютер службасы хазыр этгенди.

Газет "Тетраграф" ООО-ну типографиясында басмаланганды. Нальчик шахар, Ленин аты проспекти, 33

Номерге графикте кёре 19.00 сагъатда кьол салында. 20.00 сагъатда кьол салынганды.

ГАЗЕТНИ НОМЕРИН ЧЫГАРГЪАНЛА:

Мокьаланы Зукура - дежурный редактор;
Кетенчиланы Зульфия - жууаплы секретары орунбасары;
Зезаланы Лида - (1, 2, 3, 9-чу бетле),
Геляланы Валентина - (4, 10, 11, 12-чи бетле) - корректорла.

Тиражы 2100 экз. Заказ № 585
Багъасы 15 сомду

РЕДАКЦИЯНЫ ЭМ ИЗДАТЕЛЬНИ АДРЕСИ:



360000, Нальчик шахар,
Ленин аты проспекти, 5

электронный почтасы:
elbor_50@mail.ru